

ZAPISNIK

sa šeste vanredne sjednice Upravnog odbora Univerziteta u Tuzli
održane u srijedu 06.04.2022. godine, sa početkom u 14,30 sati u Sali za sjednice
Rektorata Univerziteta u Tuzli

Na šestoj vanrednoj sjednici prisustvovali su predsjednik Upravnog odbora dr. sci. Semir Ahmetbegović, vanr. prof., te članovi: Omer Beširović, Suad Hasanović, Amela Dedić, dr. sci. Kenan Mandžić, red. prof, dr. sci. Anita Petrović, vanr. prof, dr. sci. Franc Andrejaš, vanr.prof. i Amra Šehić, student

Sjednici nije prisustvovala, Adela Mustafagić Šaldić.

Osim članova Upravnog odbora sjednici su prisustvovali: generalni sekretar Jasmina Berbić, dipl.pravnik i viši str. saradnik Ahmo Muhić, dipl. pravnik, te u svojstvu izvjestilaca po pojedinim tačkama dnevnog reda: Šef Službe za pravne, kadrovske i opšte poslove, Šejla Fazlić, dipl. pravnik, Direktor za ekonomske poslove, Husein Matović, dipl. ecc, Referent za obračun plaće Ajša Jahić, dr. sci. Vedad Pašić, vanr. prof., Dekan Prirodno-matematičkog fakulteta, dr. sci. Sead Ćatić, red. prof., Dekan Tehnološkog fakulteta, Direktor Studentskog centara Jusuf Džihanović, dipl. ecc. i Rešad Grbović, DTP operater, saradnik.

Predsjednik Upravnog odbora je konstatovao da su ispunjeni uslovi za rad i odlučivanje na sjednici u skladu sa Poslovníkom o radu Upravnog odbora, te je otvorio šestu vanrednu sjednicu Upravnog odbora.

Predložio je izmjene u dnevnom redu na način da se predložena 8 tačka dnevnog reda razmotri zajedno sa predloženom tačkom 3 dnevnog reda, tako da bi se predložena tačka 3 razmatrala kao podtačka 3.1, a predložena tačka 8 kao podtačka 3.2. Predložena tačka 9 bi se razmatrala kao tačka 8. Takođe, predložio je dopunu dnevnog reda novom tačkom 9 Razmatranje podnesaka dr. sci. Amre Džambić u vezi njenog Prigovora na Odluku Senata Univerziteta u Tuzli broj: 03-353-1-14.2/22 od 09.02.2022. godine. Nakon što je Upravni odbor jednoglasno usvojio prijedlog za izmjene i dopune dnevnog reda, za ovu sjednicu, takođe jednoglasno je usvojio sljedeći

DNEVNI RED:

1. Usvajanje zapisnika sa 9 redovne sjednice Upravnog odbora
2. Razmatranje Mišljenja Ministarstva obrazovanja i nauke TK broj: D-10/1-04-032585-1/21 od 14.03.2022. godine
3. Razmatranje Mišljenja Ministarstva obrazovanja i nauke TK:
 - 3.1 Mišljenje broj: D-10/1-04-033229-1/21 od 15.03.2022. godine
 - 3.2 Akt – Preispitivanje broj: D-10/1-34-032985-2/21 od 14.03.2022. godine
4. Razmatranje prijedloga Odluke o izmjenama i dopunama Odluke o usvajanju Plana nabavki Univerziteta u Tuzli za 2022. odinu
5. Razmatranje Žalbe [REDAKCIJA] na Obavijest o načinu obračuna plaće za mjesec januar 2022. godine broj:09/-1173.1.2/22 od 02.03.2022. godine
6. Razmatranje Zahtjeva [REDAKCIJA] za preispitivanja Odluke menadžmenta Tehnološkog fakulteta u dijelu opterećenja u nastavi
7. Razmatranje Izvještaja Komisije po Rješenju Rektorice Univerziteta broj:01-848-1/22 od 11.02.2022. godine
8. Razmatranje dopisa Ministarstva obrazovanja i nauke TK – Mišljenje broj: D-10/1-04-032954-21 od 18.03.2022. godine
9. Razmatranje podnesaka [REDAKCIJA] u vezi njenog Prigovora na Odluku Senata Univerziteta u Tuzli broj: 03-353-1-14.2/22 od 09.02.2022. godine.

Rad na sjednici:

TAČKA 1.

Usvajanje zapisnika sa devete redovne sjednice Upravnog odbora

Zapisnik sa 9 redovne sjednice Upravnog odbora Univerziteta u Tuzli, bez primjedbi, jednoglasno je usvojen.

TAČKA 2.

Razmatranje Mišljenja Ministarstva obrazovanja i nauke TK broj: D-10/1-04-032585-1/21 od 14.03.2022. godine

Šef Službe za pravne, kadrovske i opšte poslove, Šejla Fazlić, dipl. pravnik obrazložila je razloge zbog kojih je utvrđen Prijedlog izmjena i dopuna Pravilnika te naglasila da se radi o usklađivanju Pravilnika sa odgovarajućim odredbama Zakona o izmjenama i dopunama Zakona o visokom obrazovanju koja imaju određene implikacije na prava i obaveze radnika Univerziteta. Takođe, konstatovala je da bi bilo potrebno dodatno razmotriti sugestije Ministarstva Obrazovanja date u Mišljenju. Bez posebne diskusije Upravni odbor je jednoglasno donio

Z A K L J U Č A K

Cijeneći sugestije Ministarstva obrazovanja i nauke TK iz Mišljenja broj: D-10/1-04-032585-1/21 od 14.03.2022. godine, isto se dostavlja Službi za pravne, kadrovske i opšte poslove Univerziteta u Tuzli radi pripreme novog prijedloga Pravilnika o izmjenama i dopunama Pravilnika o radu Univerziteta u Tuzli - Prečišćeni tekst.

Nakon obavljenih konsultacija sa Sindikatom visokog obrazovanja, novi prijedlog Pravilnika dostaviti će se Upravnom odboru na razmatranje.

TAČKA 3.

Razmatranje Mišljenja Ministarstva obrazovanja i nauke TK:

1.1 Mišljenje broj: D-10/1-04-033229-1/21 od 15.03.2022. godine

3.2 Akt – Preispitivanje broj: D-10/1-34-032985-2/21 od 14.03.2022. godine

Generalni Sekretar Jasmina Berbić, dipl. pravnik je obrazložila razloge donošenja Odluke o izmjenama i dopunama Statuta JU Univerzitet u Tuzli. Obrazložila je i primjedbe i sugestije Ministarstva obrazovanja i nauke TK na predmetni prijedlog Odluke. Predložila je da članovi Upravnog odbora razmotre primjedbe i sugestije iz mišljenja i akta označenog kao Preispitivanje koje se odnosi na prijedlog Odluke o iznosu dodatne participacije u troškovima drugog i trećeg ciklusa studija kojim se preporučuje uređenje ovog pitanja Statutom Univerziteta. U toku diskusije, članovi Upravnog Odbora su istakli mišljenje da bi, bez upuštanja u sadržaj pojedinih rješenja u kontekstu mišljenja Ministarstva iz navedenih dokumenata akte Ministarstva trebalo jednim Zaključkom dostaviti Senatu Univerziteta kao organu ovlaštenom za utvrđivanje prijedloga izmjena i dopuna Statuta. Nakon diskusije, Upravni odbor je jednoglasno donio

Z A K L J U Č A K

Cijeneći sugestije Ministarstva obrazovanja i nauke TK iz Mišljenja broj: D-10/1-04-033229-1/21 od 15.03.2022. godine i akta- Preispitivanje broj: D-10/1-34-032985-2/21 od 14.03.2022. godine, isti se dostavljaju Senatu sa preporukom da Senat utvrdi novi prijedlog Odluke o izmjenama i dopunama Statuta JU Univerzitet u Tuzli.

TAČKA 4.

Razmatranje prijedloga Odluke o izmjenama i dopunama Odluke o usvajanju Plana nabavki Univerziteta u Tuzli za 2022. odinu

Direktor za ekonomske poslove Husein Matović, dipl. ecc. prezentirao je Upravnom odboru prijedlog Odluke o izmjenama Odluke o usvajanju Plana nabavki Univerziteta u Tuzli za 2022. godinu, nakon čega je Upravni odbor jednoglasno donio sljedeću

ODLUKU

izmjenama Odluke o usvajanju Plana nabavki Univerziteta u Tuzli za 2022. godinu broj: 04-954-1-5/22 od 23.02.2022. godine

I

U tački I Odluke o usvajanju Plana nabavki Univerziteta u Tuzli za 2022. godinu broj: 04-954-1-5/22 od 23.02.2022. godine **dodaje se nabavka pod rednim brojem 123.1 i glasi:**

R. br	Fakultet/org.jedini ca	Ekon kod	Predmet javne nabavke	Finansiranje iz budžeta KM bez PDV	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6+7)	Vrsta postupka	JR/JN	Napomena
1.	2.	3.	4.	5.	6.	7.	8.	9.	10.	11.
12 3.1	FIL	8213	Nabavka i ugradnja samostojeće dvostrane tende			11.910,00	11.910,00	Konkurentski zahtjev za dostavu ponuda	39522130-7	

II

U koloni 7 – Primljeni tekući transferi i donacije i koloni 8 -Ukupno mijenjaju se ukupni iznosi na ekonomskom kodu 8213 i iznose 447.827,90 (kolona 7) i 1.203.997,90 KM bez PDV (kolona 8).

U koloni 7 – Primljeni tekući transferi i donacije i koloni 8 – Ukupno, mijenjaju se ukupni iznosi Plana nabavki za 2022. godinu i iznose: 582.451,90 bez PDV (kolona 7) i 3.695.946,90 KM bez PDV (kolona 8).

III

U ostalom dijelu Odluka o usvajanju Plana nabavki Univerziteta u Tuzli za 2022. godinu broj: 04-954-1-5/22 od 23.02.2022. godine ostaje nepromijenjena.

Obrazloženje

Odjeljenje javnih nabavki i investicija je dostavilo obrazloženje i prijedlog da se nabavka i ugradnja samostojeće dvostrane tende za potrebe Filozofskog fakulteta u cilju realizacije druge faze projekta pod nazivom „Otvorena učionica na Filozofskom fakultetu“ koji se finansira i sredstava projekta Federalnog ministarstva obrazovanja i nauke – Osiguranje kvalitete studijskih programa na I i II ciklusu studija na Univerzitetu u Tuzli u u 2021. godini, uvrsti u Plan nabavki za 2022. godine iz razloga što prilikom obrade projekta ista nije uvrštena u plan nabavki.

Zbog svega naprijed navedenog odlučeno je kao u dispozitivu ove Odluke.

TAČKA 5.

Razmatranje Žalbe [REDAKCIJA] na Obavijest o načinu obračuna plaće za mjesec januar 2022. godine broj:09/-1173.1.2/22 od 02.03.2022. godine

Direktor za ekonomske poslove Husein Matović, dipl. ecc. i Referent za obračun plaće Ajša Jahić, obrazložili su način obračuna plaće radnika za vrijeme privremene spriječenosti za rad. Istakli su da je obračun plaće radniku [REDAKCIJA] za mjesec za koji on podnosi žalbu pravilan i da je isti u skladu sa važećim Pravilnikom. Na poziv Predsjedavajućeg dodatna obrazloženja navoda iz žalbe dao je podnosilac Žalbe, prof. dr. sci.

██████████. Video prezentacijom je prikazao, kako je naveo, nelogičnosti u obračunu plaće za koju u Pravilniku piše da radnik ima pravo na 90% od neto plaće koju je zaposlenik ostvario u mjesecu koji je prethodio nastupanju slučaja po kojem se ostvaruje pravo na naknadu. Ističe da je u njegovom slučaju obračuna za mjesec januar 2022. Manji iznos od procenta koji Pravilnik propisuje. Navode žalitelja obrazložio je Direktor za ekonomske poslove i istakao da postoje situacije gdje obračun može pokazati i veći iznos od procenta propisanog Pravilnikom, te da je način obračuna jedinstven na nivou Trezora Ministarstva finansija TK za sve budžetske korisnike.

U diskusiji članovi Upravnog odbora su konstatovali da je žalitelj opravdano ukazao na te nelogičnosti ali da je Služba za ekonomske poslove pravilno primijenila elemente obračuna koji se koriste u postupku obračuna plaće.

Upravni odbor je primio na zapisnik izjavu podnositelja iste ██████████ koji izjavi: „povlačim Žalbu na Obavijest o načinu obračuna plaće za mjesec januar 2022. godine broj:09/-1173.1.2/22 od 02.03.2022. godine pod brojem, 04-1555/22 od 16.03.2022. godine“.

Nakon provedene diskusije, Upravni odbor je jednoglasno donio

ZAKLJUČAK

Upućuje se inicijativa Sindikatu visokog obrazovanja Tuzlanskog kantona i Kantonalnom odboru samostalnog sindikata visokog obrazovanja i znanosti BiH/FBiH sa preporukom da sa osnivačem – Vladom Tuzlanskog kantona, otklone nedosljednosti u načinu obračuna plaće radnika Univerziteta u Tuzli u Trezoru Ministarstva finansija TK, za vrijeme privremene spriječenosti radnika za rad.

6. Razmatranje Zahtjeva ██████████ za preispitivanja Odluke menadžmenta Tehnološkog fakulteta u dijelu opterećenja u nastavi

Kao izvjestilac po ovoj tački dnevnog reda obrazloženja u vezi Plana realizacije nastave, kao i obrazloženja iz Zahtjeva ██████████, dao je dr. sci. Sead Čatić, Dekan Tehnološkog fakulteta.

Nakon provedene diskusije i uvida u sve dokumente na koje se podnosilac Zahtjeva u istom poziva, Upravni odbor je jednoiglasno donio

ZAKLJUČAK

Odbacuje se Zahtjev ██████████ za preispitivanja Odluke menadžmenta Tehnološkog fakulteta u dijelu opterećenja u nastavi broj: 04-1570-1/22 od 16.03.2022. godine, zbog nenadležnosti.

Obrazloženje

██████████ podnio je Upravnom odboru Univerziteta u Tuzli Zahtjev za preispitivanja Odluke menadžmenta Tehnološkog fakulteta u dijelu opterećenja u nastavi broj: 04-1570-1/22 od 16.03.2022. godine. Upravni odbor je utvrdio da svi dokumenti na koje se odnosilac Zahtjeva u istom poziva odnose na Plan realizacije nastave koji predstavlja isključivo akademsko pitanje za koje Upravni odbor nije nadležan.

Iz tih razloga Upravni odbor je zaključio kao u dispozitivu ovog Zaključka na osnovu člana 50. Statuta Univerziteta u Tuzli.

7. Razmatranje Izvještaja Komisije po Rješenju Rektorice Univerziteta broj:01-848-1/22 od 11.02.2022. godine

Direktor za ekonomske poslove Husein Matović, dipl. ecc. prezentirao je navode iz Izvještaja Komisije i istakao da postoje određene nejasnoće, posebno u pogledu navoda da održeni uređaji kao osnovna sredstva nisu pronađeni u prostoriji za koju se komisijska provjera Rješenjem Rektorice Univerziteta traži. U diskusiji je naglašeno da se popisno stanje mora usaglasiti sa knjigovodstvenim, nakon čega je Upravni odbor jednoglasno donio

Z A K L J U Č A K

Zadužuje se Služba za ekonomske poslove Univerziteta u Tuzli da izvrši usaglašavanje evidencijskog stanja popisa osnovnih sredstava utvrđenih u Izvještaju Komisije za usaglašavanje popisa osnovnih sredstava Univerziteta broj: 04-848-3/22 od 24.03.2022. godine sa knjigovodstvenim evidencijskim stanjem osnovnih sredstava navedenih u Izvještaju Komisije, te da Upravnom odboru ponudi način rješavanja ovog pitanja, a sve u roku od 15. dana od dana prijema ovog Zaključka.

8. Razmatranje dopisa Ministarstva obrazovanja i nauke TK – Mišljenje broj: D-10/1-04-032954-21 od 18.03.2022. godine

Potrebna obrazloženja u vezi prijedloga Odluke Upravnog odbora o cijenama usluga smještaja i ishrane studenata dali su, Direktor za ekonomske poslove Husein Matović, dipl. ecc. i Direktor Studentskog centra Jusuf Džihanović, dipl. ecc. Obrazložili su pregled participacije u troškovima koje daju pojedini kantoni, te Distrikt Brčko. Naglasili su trenutni problem značajnog povećanja cijena o svim segmentima smještaja i ishrane studenata, posebno u odnosu na povećanje cijena životnih namirnica koje se koriste u ishrani.

Posebno su obrazložili navode iz Mišljenja Ministarstva obrazovanja. Nakon diskusije Upravni odbor je jednoglasno donio

Z A K L J U Č A K

Zadužuju se Direktor za ekonomske poslove Univerziteta u Tuzli, Husein Matović, dipl. ecc. i Direktor Studentskog centra Univerziteta u Tuzli, Jusuf Džihanović, dipl. ecc. da izanaliziraju stanje smještaja i ishrane studenata u domovima Studentskog centra Univerziteta u Tuzli, te u koordinaciji sa Ministarstvom obrazovanja i nauke TK usaglase ekonomsku cijenu usluga Studentskog Centra Univerziteta u Tuzli po svim odrednicama, počev od ukupne participacije koju obezbeđuje Tuzlanski kanton pa do pune ekonomske cijene usluga Studentskog centra Univerziteta i participacije koju obezbeđuje Tuzlanski kanton odnosno Federalno ministarstvo obrazovanja i nauke za određenu grupu studenata.

10. Razmatranje podnesaka [REDAKCIJA] u vezi njenog Prigovora na Odluku Senata Univerziteta u Tuzli broj: 03-353-1-14.2/22 od 09.02.2022. godine

Pregled podnesaka [REDAKCIJA], podnesenih po punomoćniku, Zajedničkoj advokatskoj kancelariji „Razić i Maglovski“ u vezi sa njenim prigovorom podnesenim Upravnom odboru na Odluku Senata Univerziteta kojim je poništena Odluka o raspisivanju Internog konkursa za njeno napredovanje, obrazložio je Viši str. saradnik Ahmo Muhić dipl.

pravnik. Nakon što se Upravni odbor upoznao sa podnescima, jednoglasno je donio

ZAKLJUČAK

Obustavlja se postupak odlučivanja po Prigovoru [REDAKCIJA], zastupane po punomoćniku, Zajedničkoj advokatskoj kancelariji „Razić i Maglovski“ iz Tuzle, broj: 04-1249-1/22 od 28.02.2022. godine i dopuni istog broj: 04-1249-2/22 od 25.03.2022. godine, podnesen na Odluku Senata Univerziteta u Tuzli broj: 03-653-1-14.2/22 od 09.02.2022. godine, zbog odustanka imenovane od prigovora.

Nakon što su pitanja po tačkama dnevnog reda iscrpljena, predsjednik Upravnog odbora je zaključio sjednicu u 18 sati i 50 min.

ZAPISNIK SAČINIO

Ahmo Muhić, dipl.pravnik

UNIVERZITET U TUZLI

Broj: 04-1833-1/22
Tuzla, 06.04.2022.godine

PREDSJEDNIK
UPRAVNOG ODBORA

dr.sci. Semir Ahmetbegović, vanr.prof.